

磁州志卷之六

知州析津蔣 擢重訂

學校

三代以來學宮之制雖不盡同而教化興行人材蔚起必本諸此我

國家重道崇儒

天章雲煥

至聖有頌四子有贊訓飭士子有文而且慎學使廣義塾增學田所以鼓勵而扶翼之者規模大備

石州志 卷之六
彬彬乎誠遠駕百王追隆三代文治之盛亘古
未之有也磁雖片壤大化翔洽多士奮興我願
無城闕之譏而歌思皇之頌也志學校

宮牆

儒學舊在州治東北明洪武五年知州周敏以其
地湫隘徙建今所永樂間知州張士迥正統間
知州謝釗天順間知州顧正相繼修葺成化十
六年知州張夢輔增修正德十六年知州張珂
重修

國朝康熙二十一年知州任塾重修

先師殿五間又造殿內文磚花城殿前平臺石欄臺
南甬道濶十三步長三十八步又修兩廡各七
間東庫房六間西酒房六間祭器庫東西各一
間樂舞器庫東西各八間戟門五間門南左各
宦祠三間右鄉賢祠三間祠南櫺星門三間舊
壘圯爲之覆以瓦如他祠廟之門知州任塾改
修一遵古制泮池舊在櫺星門內明嘉靖中知
州栗永爵改於門外崇禎九年知州李爲珩復

移門內康熙二十六年知州朱廷相仍改門外
上砌圓橋圍以白石闌干櫺星門前東西無門
坊亦毀康熙三十七年知州蔣擢增修聖域賢
關二門重修內興賢育才外騰蛟起鳳二坊泮
池南知州任塾重修神道長十六丈廣一丈八
尺高三尺道旁夾種莖李又周壘垣牆二十八
丈牆東密植高槐與道西民居之層樓相配至
康熙三十七年莖李根株皆絕知州蔣擢周池
傍甬道及櫺星門外種栢樹五十四株神道之

南有萬世宗師坊久廢知州任塾於其地重建
德配天地道貫古今坊極宏麗之觀踰街爲屏
牆高一丈七尺濶三丈康熙三十七年毀廡門
池坊庫盡頽壞知州蔣擢俱重修明倫堂五間
在正殿後明正德十一年知州張珂建康熙十
年知州趙纘修堂左進德齋三間堂右修業齋
三間堂後尊經閣五間明嘉靖三十五年知州
劉竣建知州任塾修康熙三十七年知州蔣擢
俱加重修又增建日新時習二齋堂西北學正

宅堂東北訓導宅宅東射圃知州任塾建康熙
三十七年知州蔣擢俱重修又修儒學門三間
先師殿東

啟聖祠三間大門三間順治八年知州沈秉公改建
康熙三十七年知州蔣擢重修禮門三間義路
三間康熙十一年知州趙纘建今俱廢康熙三
十七年知州蔣擢改修義路於殿之左禮門於
殿之右以通明倫堂舊有敬一亭三間在明倫
堂西及時習齋三間與進德齋連俸給倉三間

與修業齋連神廚在儒學門內路西宰牲所在
神廚南齋宿所在尊經閣右訓導宅三所號房
六十間今俱廢康熙三十七年知州蔣擢修整
宰牲所牆垣

先師廟 舊名大成殿嘉靖九年改正祀
典詔稱廟不稱殿 國朝因之

至聖先師孔子 木主

康熙二十三年頒

御書萬世師表扁額懸於廟內正中三十三年又頒
御製

先師孔子贊並四配贊勒石廟庭明洪武初定以仲
春仲秋上丁日祭孔子於國學至十五年始
詔天下儒學通祀孔子以仲春秋上丁爲期

先期齋戒省牲一如
會典 國朝因之

御製

至聖先師孔子贊并敘

蓋自三才建而天地不居其功一中得而聖人
代宣其蘊有行道之聖得位以綏猷有明道之
聖立言以垂憲此正學所以常明人心所以不
泯也粵稽往緒仰遡前徽堯舜禹湯文武達而
在上兼君師之寄行道之聖人也孔子不得位
窮而在下秉刪述之權明道之聖人也行道者
勲業炳於一朝明道者教思周於百世堯舜文
武之後不有孔子則學術紛淆仁義湮塞斯道
之失傳也久矣後之人而欲探二帝三王之心
法以爲治國平天下之準其奚所取衷焉然則
孔子之爲萬古一人也審矣朕巡省東國謁祀
闕里景企滋深敬摘筆而爲之贊曰
清濁有氣剛柔有質聖人參之人極以立行著
習察舍道莫由惟皇建極惟后綏猷作君作師

垂統萬古口惟堯舜禹湯文武五百餘聖
挺生聲金振玉積厥大成序書刪詩定禮正樂
既窮象繫亦嚴筆削上紹往緒下示來型道不
終晦秩然大經百家紛紜殊途異趣日月無踰
美牆可晤孔子之道惟中與庸此心此理千聖
所同孔子之德仁義中正秉彝之好根本天性
庶幾夙夜勗哉令圖溯源洙泗景躋唐虞載歷
庭除式觀禮器摘毫仰贊心焉遐企百世而上
以聖爲歸百世而下以聖爲師非師夫子惟師
於道統天御世惟道爲寶泰山巖巖東海泱泱
宮牆萬仞夫子之堂孰窺其藩孰窺其徑道不
遠人克念作聖康熙二十五年七月初四日戶
部尚書文華殿大學士臣張玉書奉
敕敬書

四配東位

復聖顏子

諱回字子淵魯曲阜人自魏正始以
顏子配享唐太宗稱先賢配享

先聖明嘉靖九年稱復聖

述聖子思子

諱伋字子思伯魚之子宋徽宗從祀端平二年升列十哲宋咸淳間始與曾子并升配享明嘉靖九年改述聖

四配西位

宗聖曾子

諱參字子輿魯南武城人卽今嘉祥縣唐高宗從祀開元八年配享明嘉靖九年改宗聖

亞聖孟子

諱軻字子輿鄒縣人宋神宗元豐七年配享位次顏子明洪武五年罷配享踰年復之嘉靖九年改稱亞聖

御製四子贊

顏子

聖道早聞天資獨粹約禮博文不遷不貳一善服膺萬德來萃能化而齊其樂一致

禮樂四代治法兼備用行舍藏王佐之器

曾子

沫泗之傳魯以得之一貫曰唯聖學在茲明德新民止善爲期格致誠正均平以推至德要道百行所基纂承統緒修明訓辭

子思子

於穆天命道之大原靜養動察庸德庸言以育萬物以贊乾坤九經三重大法是存篤恭慎獨成德之門卷之藏密擴之無垠

孟子

哲人既萎楊墨昌熾子輿闢之曰仁曰義性善獨闡知言養氣道稱堯舜學屏功利煌煌七篇竝垂六藝孔學攸傳禹功作配

康熙二十八年閏三月十六日戶部尙書文華殿大學士臣張玉書奉

敕敬書

十哲東位

先賢閔子子騫

諱損字子騫魯人唐開元八年從祀

先賢冉子仲弓

諱雍字仲弓仲牛之族唐開元從祀

先賢端木子子貢

諱賜字子貢衛人唐從祀

先賢仲子子路

諱由字子路魯之卞人卽今泗水一字季路唐從祀

先賢卜子子夏

諱商字子夏衛人又云溫縣人唐貞觀二年從祀

十哲西位

先賢冉子伯牛

諱耕字伯牛魯鄆城人唐開元從祀

先賢宰子子我

諱子字子我魯曲阜人唐開元從祀

先賢冉子子有

諱求字子有仲弓之族唐從祀

先賢言子子游

諱偃字子游吳人唐從祀

先賢顓孫子子

張諱師字子張陳州人唐開元從祀升十哲位

東廡

先賢澹臺滅明

字子羽武城人又云費縣人

先賢原憲

字子思宋人即今商邱檀弓作仲憲

先賢南宮适

字子容兗州府人史記作南适家語作南宮韜一作緇

先賢商瞿

字子木魯曲阜人

先賢漆雕開

字子若魯人一作漆調憑家語作魯人史記作蔡人

先賢司馬耕

字子牛商丘人

先賢有若

字子有一字子若魯曲阜人

先賢巫馬施

字子期史記作巫馬施字子旗陳州人

先賢顏辛

字子柳曲阜人家語作辛史記作幸

先賢曹卹

字子循汝寧府人

先賢公孫龍

字子石家語作公孫龐荊州府人家語作衛人史記作楚人又云趙人

先賢秦商

字子丕兖州人家語作楚人字不茲左傳字丕茲

先賢顏高

一作顏刻字
子驕曲阜人

先賢壤駟赤

字子徒西安府人又通志作壤駟
子今祀壤氏家語壤作穰徒作從

史記作穰

先賢石作蜀

字子明鞏昌人今祀石子氏族畧
石作氏史作石作蜀成紀人家語

作石子蜀陳士元
名疑石作複姓

先賢公夏首

字子乘魯人一作公夏
字字子乘又作公氏

先賢后處

字子里史記作后處家語作伯處
子解作石處字里之壽州人

先賢奚容蒧

字子哲魯人弟子解作
奚蒧一字子楷兗州人

先賢顏祖

弟子解作顏祖
字子襄曲阜人

先賢句井疆

家語字子疆關里志字子野山東志字子孟衛輝人今作勾氏又作

氏句

先賢秦祖

字子南西安府人

先賢縣成

字子橫史作子旗兗州人

先賢公祖句茲

字子之家語作公祖茲兗州人

先賢燕伋

字子思家語諱級石室圖作秦人一作魯人

先賢樂欬

字子聲家語作樂欣兗州人

先賢狄黑

字哲之又字子哲史記字哲衛輝人

先賢公西蒧

字子尙一字子蒧點同公西蒧兗州人蒧點同